

清代苗疆立法史料選輯

主編／張雙智

第六冊

清代苗疆風俗史料

張雙智 陳洪毅 編著
陳虹君 協助整理



Beijing United Publishing Co., Ltd.
北京聯合出版公司



清代苗疆立法史料選輯

第一冊 有關苗疆法律條文

第二冊 清《聖訓》、《皇朝經世文編》選輯

第三冊 苗疆善後事宜資料選輯

第四冊 清代苗防屯政史料

第五冊 清代苗疆習慣法

第六冊 清代苗疆風俗史料



做有價值內容的傳播者

ISBN 978-7-5596-2405-5



9 787559 624055 >

定價:480.00圓(全六冊)

清代苗疆立法史料選輯

主編／張雙智

第六冊

清代苗疆風俗史料

張雙智 陳洪毅 編著
陳虹君 協助整理



Beijing United Publishing Co., Ltd.
北京聯合出版公司

圖書在版編目 (CIP) 數據

清代苗疆風俗史料 / 張雙智, 陳洪毅編著. —北京: 北京聯合出版公司, 2018. 11

(清代苗疆立法史料選輯 / 張雙智主編)

ISBN 978-7-5596-2405-5

I. ①清… II. ①張… ②陳… III. ①苗族 - 少數民族風俗習慣 - 史料 - 中國 - 清代 IV. ①K892. 316

中國版本圖書館 CIP 數據核字 (2018) 第 172103 號

第六冊 清代苗疆風俗史料

著 者: 張雙智 陳洪毅

協助整理: 陳虹君

責任編輯: 申 妙 許佩莉

封面設計: 超未來

版面設計: 北京麥莫瑞文化傳播有限公司

出版發行: 北京聯合出版有限責任公司/北京聯合天暢發行公司

社 址: 北京市西城區德外大街 83 號樓 9 層

郵 編: 100088

電 話: (010) 64256863

印 刷: 北京旭豐源印刷技術有限公司

開 本: 787mm × 1092mm 1/32

字 數: 114 千字

印 張: 6.25 印張

版 次: 2018 年 12 月第 1 版

印 次: 2018 年 12 月第 1 次印刷

ISBN 978-7-5596-2405-5

定 價: 480.00 圓 (全六冊)

文獻分社出品

未經許可, 不得以任何方式複製或抄襲本書部分或全部內容

版權所有, 侵權必究

內容提要

《黔書》二卷，作者田雯，字紫綸，號山姜，德州人。康熙三年進士。康熙二十六年四月，調貴州巡撫，任職四年，為考察貴州社會風俗所撰，分苗蠻種類、部落、苗俗、黔風、土官、方言、治苗等。《黔記》三十六卷，作者李宗昉，字靜遠，號芳齡。江蘇山陰人。嘉慶進士，官至禮部尚書。嘉慶十八年（一八一三）督學貴州，以在黔見而志書未載者，追錄成書。《罪惟錄》全書三十六卷，作者查繼佐，浙江海寧人，崇禎六年（一六三三）舉人。從順治元年（一六四四）開始，康熙十一年（一六七二）寫成，其中《蠻苗列傳》記載清初苗族種類、苗俗，故摘錄列入。《諸苗考》不分卷，作者張汝怡，古樂陵郡人，今為滄州地，撰成於道光二十一年（一八四一）夏，描述苗人名稱、婚喪嫁娶風俗。《苗疆聞見錄》，作者徐家幹，江西義寧人，同治十年（一八七一），任湘軍蘇元春部書記，隨湘軍鎮壓貴州苗民起義，在行旅之間將耳聽目睹記載下來，光緒四年（一八七八）編為上中下三卷。上述保存了苗疆地區村寨、地理、民俗等風土人情資料，可以作為屯防、屯政的參考，對於研究苗疆民族立法是有益的參考。

目錄

黔書 (清) 田雯

上卷

序

蒙齋說

創建

改隸

設科

定黔

苗蠻種類部落

苗俗

黔風

土官

一

一

一

四

五

七

九

一

一

三

一

三

方言 三三

治苗 三四

平亂 三六

黔記 (清) 李宗昉 四〇

梅序 四〇

卷三 四二

卷四 五九

罪惟錄 (清) 查繼佐 六九

卷三十四 蠻苗列傳 六九

蠻苗列傳總論 六九

湖廣諸蠻苗 七〇

鎮溪龍許保 七二

兩廣蠻猺傳 七四

大藤侯氏 七九

田州岑氏 八二

憑祥李寰……………八六

龍州趙氏……………八七

諸苗考 (清) 張汝怡……………九〇

苗疆聞見錄 (清) 徐家乾……………一一六

序……………一一六

苗疆聞見錄……………一一七

苗防備覽 (清) 嚴如熤……………一四九

卷八 風俗考上……………一四九

卷九 風俗考下……………一六八

永保土人風俗……………一六八

瀘溪乾州仡佬風俗……………一七三

瑶民風俗……………一七七

沿邊廳縣風俗……………一八一

黔書

(清) 田雯

上卷

序

嘗考讀古今輿圖疆理之書，所載山川之隆窪，財賦之豐嗇，與夫士馬、甲兵、人材、風俗之備詳，誠有資於治術矣，而文採則不足。觀歷代詞人才子，賦名都，言井里，擷蟲魚草木之華，多宮闕城郭之盛，極其偉麗矣。至於攬景物之蕭條，感變聲之衰颯，亦復淒涼悲慨，嚼徵含商，然以語於治之得失、民之休戚，則概未之及也。蓋著述之不能相兼如此。今讀中丞蒙齋先生《黔書》則不然。先生之書，蓋專爲治黔者法也。黔地居

五溪之外，於四海之內爲荒服，其稱藩翰者未三百年。其地尺寸皆山，欲求所謂平原曠野者，積數十里而不得袤丈。其人自軍屯、衛所、官戶、戍卒來自他方者，雖曰黔人，而皆能道其故鄉，無不自稱爲寓客；其真黔產者則皆苗獠犵狁之種，劫掠仇殺，獷悍難馴，易於負固。其土田物產，較他方之瘠薄者，尚不能及十之二。夫以黔之地之人之不可倚以守也如彼，其土田物產之無可利賴也如此，夫國家亦何事於黔哉。吾聞先生之言曰：無黔則粵蜀之臂可把，而滇楚之吭可扼，國家數十年來亦知荒落之壤無可供天府之藏，猶且日仰濟於他省，歲糜金錢而不惜者，懷柔之道固如是也。然則黔治則有與之俱治者，黔亂則有與之俱亂者。先生以英偉之才，深沉之識，身處其地，知之審、慮之周矣，故其爲書於所以致治而防亂者，三致意焉：道里之險易必詳之，所以謹偵伺、嚴往來也；山谷之紆曲者、徑遂者，必分別志之，所以慎封守、飭固圉也。夫治蠻徼者，審其地利，察其人情，始焉必無以啓之，而繼焉必有以制之。慎稽其出入之門戶，熟悉其黨與之離合，防其厄塞，絕其勾連，禁其剽掠。審其器械材力之長短利鈍而善御之，所謂有以制之者也。使之相安於其習俗，相樂於其燕閑，群苗勿驚於擾索，土司勿困於誅求，所謂無以啓之者也。故先生之書既重於嚴兵守土，而尤重於羈縻撫綏，每於前人定亂服叛之舉，其不事張皇、不煩兵革者，必津津書之，以爲前事之不忘，後事之師。

此先生所以治黔而即可永爲治黔之法者也。雖然，先生之爲是書，又不獨以經濟自負也。蓋其英偉之才、深沉之識，具雄奇而擅奧博者，又實爲詞人學士之宗。凡黔之草木、山川、人材、土物，皆幸有先生以發其菁英，而抒其藻麗。是故椎鬣刻木，皆可入王會之圖也；踏月吹笙，皆可作名都之賦也。飛雲白水之瀑，可以媲美於臺廬也；濟火關索之名，可以核實於記載也。牡丹之花，并於洛陽；渥窪之產，雄於冀北。以及丹砂、卉革、硃礪、雄黃之屬，皆豔稱而悉數之。使人之視黔，以爲名邦，以爲樂土，慕而安之，美而賦之，蓋不欲使天末一隅爲曹鄴之無譏於季札，且將如吳蜀之見賦於左思。先生之於黔，不亦思深而意長乎？後之讀是書者，既賴以治黔，而又資其餘材以考據史傳、乞靈詞賦，則是書也，豈獨與《爾雅》、《方言》與夫稽含之《狀》、酈元之《注》同日而語哉？至於龍場之祠記，尊昔先民而不以異同相詆訾，則尤崇獎激厲之盛心矣。嘉炎來黔，受其書而讀之，不禁快然曰：是書也，經濟文章，任人之攜取而各得。所謂仁者見之謂之仁，智者見之謂之智者也。蓋著述之兼美者，莫踰於此矣。因樂爲之序，以附不朽云。康熙庚午九月浙西徐嘉炎華隱序。

蒙齋說

德州田綸霞先生由撫吳徙鎮黔中，自號曰蒙齋，而屬余爲之說。余考《易》之《蒙卦》，上艮下坎，坎之陽爻爲九二，其辭曰：包蒙，吉；艮之陽爻爲上九，其辭曰：擊蒙，利禦寇。蓋九二以一陽爲內卦之主，統治群陰，繫之以包，有含容之義。含容者，非徒事於和，將以教思爲涵育者也。上九以剛居上，治蒙過剛，繫之以擊，有奮迅之意。奮迅者，非徒事於斷，將以時行爲變革者也。使徒事於綸（和），則弛而不嚴，而剛柔不可以相接；徒事於斷，則慘而不舒，而上下不能以皆順。夫子之象，皆治蒙之効也。然治蒙之道以教育爲本，不得已而時至事起，則變以革之，故有內外之分焉。而《序卦》亦雲：蒙者，蒙也，物之穉也。物穉不可不養也，然則包之者居先，擊之者居後，義固有不可易者。先生自吳來黔，黔之民蓋蒙之甚者也。芑愚闇塞而弗率厥迪者有之，桀驚而不可馴者有之。先生曰：吾以身處乎蒙之中，而與之相習，然後可以無所拒，無所不容，以爲之包而可無所事於擊，蓋擊蒙者任才，而包蒙者必先任德，上之過剛，誠不若二之剛中也。而蒙之義全矣。故先生之治黔，率養之以寬，而人皆革面，舉而措之，天下亦猶黔也。然則先生殆精於《蒙卦》之義，而乃以蒙自命者耶？若夫以養正爲聖

功者，注疏雲：懷德於隱，使人莫能測其淺深。先生則誠有之，而豈余之所能淺窺乎？或曰：童蒙求我，初筮告。先生於此殆又有虛懷好問之義焉。是說也，亦當質之於先生。浙西嘉炎又題。

創建

貴州之得名始於元。前此則梁州、鬼方、靡莫、黔中、牂牁、羅甸、羅施、羈縻州也。至元十六年，諸蠻降，置八番羅甸等處軍民宣慰使及都元帥府於貴州，是以有貴州之名也。厥後相沿而勿改。明洪武中，設貴州、思州、思南三宣慰，而別設都指揮使司於貴州，領貴州衛、貴州前衛、龍里、新添、平越、清平、興隆、都勻、威清、平壩、普定、安莊、安南、普安、赤水、畢節、永寧、烏撒十八衛，安南、安籠、平彝、樂民、摩泥、普市、白撒、呵落密、黃平九千戶所。永樂十一年，廢思南、思州宣慰司，始設貴州等處承宣布政使司，以蔣廷瓚爲布政使，領思南、思州、銅仁、石阡、鎮遠、黎平、烏羅、新化八府。十八年，始設貴州等處提刑按察使司。正統四年，始命右副都御史丁璿巡撫貴州。成化三年，始以程信爲兵部尚書，總督川湖雲貴。十年，設程番府於程番長官司。弘治六年，設都勻府。隆慶二年，改程番府爲貴陽府，移治省城。萬曆二十年，

以安順州爲安順軍民府。二十八年，滅播，以播地設平越府。崇禎三年，以水西地設開州一州，敷勇、鎮西二衛，於襄、修文、赫聲、濯靈、定南、威武、息烽、柔遠八所。我朝順治十八年，平馬乃營，設普安縣。康熙三年，平水西，設平遠、大定、黔西、威寧四府。

論曰：貴州，古荒服地也。東臨荆楚，西接蜀粵，南倚滇雲，亦西南之奧區也。雖華陽黑水，列在方州，而毒谿瘴嶺，蔽日尋雲。一綫羊腸，裊空切漠，行路之難，難於上青天，加以衣羽穴居、鳥言椎鬣之倫星羅而密布，剡藥矢，響大黃，日尋於攻剽格鬪，故雖以虞帝之聖、殷宗之賢，必七旬而後格，三年而後克，不甚難乎。莊蹻之略地，有同假道；唐蒙之持節，幾屬斲空。即或璧幣來王，要亦羈縻勿絕而已。至明漸入版章，側肩內地，分符竹，建帥閫，哀然稱藩焉。然其間賓叛不一，荒忽靡常，亦百戰而後有之。有之誠非易矣。奈之何明臣何文淵、葉臺山乃欲效公孫宏、賈捐之之議也。夫無黔則粵蜀之臂可把，而滇楚之吭得扼矣。召公爲政，日辟國百里，豈未之前聞乎。今者海隅乂安，南人嚮化，亦知荒落之壤無翠羽、蠙珠、文犀、拱壁可供天府之藏，然猶且日仰濟於他省，歲糜金錢而不惜者，聖天子懷柔之道如是耳。

（附錄）蜀杜光庭《錄異記》云：李特字玄休，廩君之後。昔武落鐘離山崩，有石

穴二所，一赤如丹，一黑如漆，有人出於赤穴者，名務相，姓巴氏；有出於黑穴者，凡四姓：皐氏、樊氏、柏氏、鄭氏。五姓皆出，爭爲長，於是務相約以劍刺穴，能著者爲廩君。四姓莫著而務相之劍懸焉。又以土爲船，雕畫之，而浮水中，曰，若其船浮者爲廩君。務相船又獨浮。於是遂稱廩君。乘其土船，將其徒卒，當夷水而下，至於鹽陽。鹽陽水神女子止廩君曰：此魚鹽所有，地又廣大，與君俱生，可止無行。廩君曰：我當爲君，求廩地，不能止也。鹽神夜從廩君宿，旦輒去，爲飛蟲，諸神皆從，其飛蔽日。廩君欲殺之，不可別，又不知天地東西。如此者十日，廩君即以青縷遺鹽神曰：嬰此。即宜之，與汝俱生。不宜，將去汝。鹽神受而嬰之。廩君至碣石上，望膺有青縷者，跪而射之，中鹽神。鹽神死，群神與俱飛者皆去。廩君復乘土船，下及夷城。夷城石岸曲，泉水亦曲，望之如穴狀。廩君歎曰：我新從穴中出，今又入此，奈何。岸即爲崩，廣三尺餘，階階相乘，廩君登之，岸上有平石，長五尺，方一丈。廩君休其上，投策計算，皆著石焉，因立城其旁而居之。其後種類遂繁。秦并天下，以爲黔中郡。

改隸

貴州，古梁州南境，戰國隸於楚，既隸於秦。漢分隸牂牁、犍爲、武陵三郡，荆、

益二州。唐隸黔中、荆南二道採訪使。晉天福五年附於楚。宋至道三年，分隸荆湖、劍南東西路；元豐改隸湖北、夔州二路。元分隸湖廣、四川、雲南、廣西四行省。明洪武初，分隸雲南、湖廣、四川三布政司，後設都司於貴州，領十八衛九所。永樂十一年，改貴州宣慰司，隸貴州布政司；宣德中，省烏羅、新化二府，入黎平銅仁府；萬曆二十八年，改湖廣平溪、清浪、偏橋、鎮遠四衛隸貴州，黎平府隸湖廣；三十一年，復以四衛隸湖廣，黎平府仍隸貴州。我朝康熙十一年，改龍里、平越、都勻、普定四衛爲縣，省安莊衛入鎮寧州，清平衛入清平縣，黃平所入黃平州，新城所入普安縣；二十二年，改黔西、平遠二府爲州，省新興所入普安縣，移縣治於所地，仍改偏橋、鎮遠二衛隸貴州，即省鎮遠衛入鎮遠縣；二十六年，裁都司，改貴州衛、貴州前衛爲貴築縣，設縣治於省城。改鎮西、威清二衛爲清鎮縣，設縣治於威清地，省赫聲、威武二所附之。改平壩衛爲安平縣，省柔遠所附之。改安南衛爲安南縣，敷勇衛爲修文縣，省修文、濯靈、於襄、息烽四所附之。改永寧衛爲永寧縣，省普市所附之。改畢節、赤水二衛爲畢節縣，設縣治於畢節地。省興隆衛入黃平州，新添衛入貴定縣，各移州縣治於衛地。又省烏撒衛入威寧府，普安衛入普安州，偏橋衛入施秉縣，定南所入普定縣，安籠所入南籠廳，改大定府爲州。

論曰：地之分合，因乎時，制之便否，酌其宜。犬牙之說，柱蓋未可膠也。黔之輻員亦甚褊矣。在昔截楚移播而後成，有如水田之衣，雖則成衣，然捉襟則肘露，而短方至釭也，稽戶口，考租庸，不足從邾莒之後，而又錯之蠻髦之鄉，加之兵燹眚災，民之餘什一焉。賦不敵東南小郡焉，說者謂宜割楚之辰沅、蜀之遵義、粵之泗城以益之，然而職方既定，有所不必紛更也。若夫改衛爲縣，軍則久已爲民，裁屯弁而歸之有司，事權遂一，積弊可清，國家之立制誠至當矣。

設科

（附請建學疏）

貴州設科，前此未有也。明洪熙元年，始令貴州生儒就試湖廣。宣德元年，詔雲貴合試。至嘉靖十四年，乃從巡按王杏、給事中田秋之請，開科於貴州。宣德二年，定會試南北中卷數，以雲貴入中卷。我朝因之如舊。

論曰：科目設自隋唐，而貴州不與，時無劉蛻，天荒未易破也。逮洪宣之季而合試始詔，迄王田之請而鄉闈以分，因額數之定而中卷以入，何其遲之，又久哉。然方其未分也，解額不過二十一人，其獲登進士榜者，科或二人，或三四人，未嘗無一第也。及其即分，解額二十五人漸增至四十人，南宮之薦踵相接焉。蓋自王文成、鄒爾瞻講學明